

Sr. Henriquez di 'Proyecto di Down Town'

Departamento- y instancianan di Gobierno mester reacciona y atende e proyecto na un manera activo y efectivo!

STA. CRUZ –Ayer e grupo tras di e proyecto di Downtown a reuni cu prensa pa elabora riba e ultimo desaroyo encuanto di e proyecto aki. Presente tabta sra. Audrey Croes-Lacle den representacion di MABO, sr. Marlon Croes di pari di DOW, sr. Cay Profeet, Arquitecto principal di e proyecto y sr. Raul Henriquez cu ta e vocero di e grupo. Ta 14 luna pasa cu e proyecto di Down Town a drenta den publicidad. E tempo ey tur cos tabata papia caba di e proyecto aunque prematuro y abata tin masha hopi trabao pa haci prome. Na momento cu el'a sali den publicidad esaki a sirbi grandemente door cu henter pueblo di Aruba a conoce e proyecto y sr. Henriquez ta contento di bisa cu despues di e splicacion necesario, a ricibi un apoyo abromador no solamente di parti di gobierno pero di parti di henter pueblo como doñonan di edificio y tienda den Caya grandi. Pues e entusiasmo y sosten pa e proyecto tabata hopi halto e dianan ey y te dia di awe tur hende ta puntra cu hpi interes con ta bayendo cu e proyecto y ki dia por spera algo mas concreto! Tin mas di un aña caba a pasa y lamentablemente mester bisa no tin mucho cos di bisa cu ta nobo. E proyecto ta moviendo lentamente y esey tin algun cu nan moral un poco abao, esey kier meen cu mester pone e esfuerzo hunto y cuminsa core algun riesgo pa asina duna e proyecto aki un boost. Ta parce cu tur hende a kere cu proyecto lo cay for di cielo, cu Marlon, Cay y Raul lo hala e garoshi y di un forma milagroso pone caya Grandi nobo. Evidentemente esey no por ta e caso ni realistico!. Semper ta papia di un proyecto comprensivo unda ta tene debidamente

cuenta cu tur aspecto di Caya Grandi y Playa, esta trafico, seguridad, e desaroyo social cultural, utilidadnan hasta Elmar, WEB, SETAR, Cable etc. Aspectonan legal etc. etc. pues e lista ta largo. Obviamente Marlon, Cay y Raul no ta doño di ningun di e aspectonan aki y ta tarea di cada instancia concerni pa elabora y trece nan parti di proyecto. Tin hopi reunion teni caba y a splica e meta tras di e proyecto aki; a stimula un y tur pa colabora pero al final di dia cada un mester haci su parti. Den tur reunion tur hende a priminti masha hopi cos pero mester constata cu gran mayoria di e partidonan involvi no a elabora nan parti y sensacion ta cu e proyecto aki a tranca. Parlamento y e partido den gobierno tanto como oposicion mester comprende cu e proyecto aki no ta di ningun hende pero di un importancia nacional y puntra con nan por duna un man, un bunita oportunidad pa cambia ambiente den nos forma di politica pa un biaha. Departamento- y instancianan di gobierno mester reacciona y atende cu e proyecto activo y efectivo. Tur hende cu tin un tarea den e proyecto tin cu tuma interes personal pa atende cu nan parti di e trabao y “get it done”. Di nan parti nada no a cambia e proyecto ta exactamente e mesun partnership entre sector priva y gobierno cu nan a elabora riba dje aña pasa. E business model ta ampliamente discuti y a elabora pa ranca bay. Loke despues di tanto tempo no por garantiza, ta cu tur e inversionistanan cu a expresa nan interes aña pasa te ainda ta e mesunnan cu comprometi cu e proyecto despues di tanto tempo pero mi ta spera y kere cu tur hende lo ta contento ora cos

cuminsa cana. Un apelacion ta bay na un y tur di grandi y chikito pa por favor pone schouder bao di e proyecto pa asina logra e meta, sin teme cu e proyecto lo cay na caminda y sin cu lo tin hende pa piki e bandera. Ta spera algo mas positivo pa e pueblo di Aruba pa final di e aña aki.

